

# EPOKA

# ERE

E përditshme e pavarur  
Viti XXI, nr. 6342  
E shtunë, 19 qershor 2021  
çmimi 0.40 €

## Austria ndan një milion doza vaksinash për Ballkanin Perëndimor




Na ndiqni edhe në:  
[www.epokaere.com](http://www.epokaere.com)

facebook.com  
Gazeta "Epoka e re"

**AWR ABBRUCH GMBH**  
[www.awr-abbruch.de](http://www.awr-abbruch.de)

FLET PËR "EPOKËN E RE", SHKËLZEN MALIQI | FAQE 4-5

# NËSE KOSOVA TREGOHET KONSTRUKTIVE NË DIALOG, PESHA E KOMPROMISEVE DO T'I BJERË SERBISË



Analisti politik Shkëlzen Maliqi ka shprehur skepticizëm për mundësinë e arritjes së marrëveshjes finale Kosovë - Serbi. Në këtë intervistë dhënë gazetës "Epoka e re", ai ka thënë se Serbia nuk është e gatshme ta njohë pavarësinë e Kosovës. Sipas tij, nëse kryeministri Albin Kurti ka menduar se mund të hapë

tema të reja në këtë proces, e ka pasur gabim. Ai ka thënë se Kurti duhet të kthehet te temat e papërfunduara, siç është asociacioni i komunave me shumicë serbe. Maliqi ka vlerësuar se nëse Kosova do të jetë konstruktive në dialogun e Brukselit, pesha më e madhe e kompromiseve do t'i binte Serbisë

## AKTUALE



**OSMANI NGA TURQIA: BE-ja DUHET TA MBAJË PREMTIMIN PËR LIBERALIZIMIN E VIZAVE** F.3

**FILLON AFATI PËR CERTIFIKIM TË PARTIVE POLITIKE PËR ZGJEDHJET LOKALE** F.5

**RRËNOHEN DY ANEKSE TË NDËRTUARA PA LEJE AFËR GËRMISË** F.6



## EKONOMI

**VITIA SHPREH SHOETËSIMIN SE KOSOVA NUK ËSHTË NË LISTËN E UDHËTIMEVE 'FREE COVID' TË BE-së** | FAQE 7



**TAHIRI: AAK-ja ËSHTË E SHOETËSUAR PËR KAPJEN INSTITUCIONEVE TË PAVARURA** | FAQE 3



**KOSOVA PËRFITOI MILIARDA EURO NGA REMITENCAT** F.9

**DEPONIA E MIRASHIT DO TË MBYLLET** F.9

**RENOVA**  
PUTZ  
Maqedoni  
Xhepcisht - Tetovë  
Curëz-Ferizaj  
Tel: +389 44 487 300; +389 44 487 009  
+389 44 487 755  
Fax: +389 44 487 200  
Mob: +377 44 501 289  
E-mail: [renova@mt.net.mk](mailto:renova@mt.net.mk)

**PRINCESHA**  
GROUP SH.P.K.  
NDËRTIM  
PROJEKTIM  
SHITJE  
INFO: 049-111-101,  
044-511-177  
[www.princesha-ks.com](http://www.princesha-ks.com)

**Bunjamini**  
FABRIKA E LLAQEVE  
MITROVICË  
044/256-051  
044/367-061  
028/532-617  
STYROKOL · BUNJAKOL · EUROFASADË

**Kolegji BIZNESI**  
[www.kolegji.biznesi.com](http://www.kolegji.biznesi.com)  
info@kolegji.biznesi.com  
030 500 878 | 045 500 878  
044 500 878 | 049 500 878

**SIGMA**  
VIENNA INSURANCE GROUP  
SIGMA INTERBALKANIAN VIENNA INSURANCE GROUP SH.A  
DEGA KOSOVË  
Rruga "Pashko Vasa", p.n Prishtinë, Kosovë,  
Tel: +381 (0)38 246 301 Fax: +381 (0)38 246 302,  
E-mail: [info@sigma-ks.net](mailto:info@sigma-ks.net) | [www.sigma-ks.net](http://www.sigma-ks.net)

**INFINITY**  
Digital Agency  
Endrit Shaqiri  
+38344685122  
Internet Website,  
Marketing...

# Austria ndan një milion doza vaksinash për Ballkanin Perëndimor

VJEN, 18 QERSHOR (ER) - "Austria do të ndajë një milion doza të vaksinave kundër Covid-19 për vendet e Ballkanit Perëndimor", ka thënë kancelari austriak Sebastian Kurz të premten. Ai ka bërë këtë deklaratë pas një samiti të mbajtur me homologët e tij nga vendet e Ballkanit Perëndimor që nuk janë anëtare të Bashkimit Evropian.

Austria, po ashtu, ka ndarë 651 000 vakcina për këtë rajon përmes bllokut evropian. "Përtej kësaj, ne, po ashtu, duam të bëjmë një kontribut bilateral si Republikë e Austrisë, andaj kemi vendosur si qeveri, që të ndajmë një milion doza të vaksinave në vendet e Ballkanit Perëndimor", ka thënë Kurz në një konferencë për media pas samitit.

Kosova është përfaqësuar nga kryeministri Albin Kurti,

Shqipëria nga ministrja e Infrastruktura dhe Energjetikës, Belinda Balluku, Serbia nga kryeministrja Ana Bërnabiq, Bosnja nga kryesuesi i Këshillit të Ministrave, Zoran Tegeltija, Maqedonia e Veriut nga kryeministri Zoran Zaev dhe Mali i Zi nga kryeministri Zdravko Krivokapiq.

Në samit ka marrë pjesë edhe përfaqësuesi i posaçëm i Bashkimit Evropian për dialogun midis Kosovës dhe Serbisë, Miroslav Lajçak.

Dozat do të ndahen në periudhën nga gushti deri në fund të vitit, pa treguar se cilat shtete do të përfitojnë të parat apo se si do të ndahen ato mes tyre.

Dozat e para të vaksinës do të jenë nga kompania "AstraZeneca", ka thënë Kurz.



## Kurz: Do ta vazhdojmë punën e mirë me Kosovën drejt integritimit evropian

Kryeministri i Kosovës, Albin Kurti, ishte në mesin e kryeministrave që mori pjesë në samitin e së premtes të Ballkanit Perëndimor, i cili u mbajt në Vjenë. Kancelari austriak Sebastian Kurz, i cili ishte nikoqir i këtij samiti, ka publikuar në "Twitter" një

fotografi me Kurtin dhe ka shkruar se Covid-19 ka dëshmuar rëndësinë e partneritetit të fuqishëm që duhet të kenë vendet mes vete.

Kurz ka shkruar se Kosova dhe Austria do ta vazhdojnë punën e mirë, drejt integritimit

në BE-së. "Kënaqësi ta mirëpres Albin Kurtin në Vjenë sot. Covid-19 na ka treguar se sa e rëndësishme është që të kemi partneritet të fuqishëm ndërkombëtar. Ne do ta vazhdojmë punën e mirë me Kosovën drejt integritimit evropian", ka shkruar Kurz.

## BE-ja heq zyrtarisht kufizimet për qytetarët e tri vendeve të Ballkanit

BRUKSEL, 18 QERSHOR - Këshilli i Bashkimit Evropian e azhurnoi listën e vendeve për të cilat duhet të hiqen kufizimet e udhëtimit dhe shtoi në të edhe Shqipërinë, Serbinë dhe Maqedoninë e Veriut.

Vendimi hyn në fuqi sot, kur "në bazë të kriterëve dhe kushteve të përcaktuara në rekomandim, shtetet anëtare duhet t'i heqin gradualisht kufizimet e udhëtimit nga kufijtë e jashtëm, për banorët e këtyre vendeve".

Azhurnimi i listës vjen pasi, në fillim të kësaj jave, ambasadorët e vendeve anëtare të BE-së rekomanduan heqjen e

kufizimeve për nëntë vende, përfshirë Shqipërinë, Serbinë dhe Maqedoninë e Veriut.

Kufizimet në udhëtime jothelbësore janë vendosur qysh në mars të vitit të kaluar, kur edhe ka shpërthyer pandemia e koronavirusit.

Në muajin maj, Këshilli i BE-së i ka hequr zyrtarisht këto kufizime për shtetasit e vendeve të treta, të cilët janë vaksinuar me të gjitha dozat e kërkuara të vaksinës kundër koronavirusit.

Shtetasit e vendeve të treta përfshijnë edhe qytetarët e Ballkanit Perëndimor.

Por, me heqjen e kufizimeve për



Shqipërinë, Serbinë dhe Maqedoninë e Veriut, lëvizja e lirë në territorin e BE-së do të gëzohet edhe nga ata qytetarë

që nuk janë vaksinuar, sepse situata epidemiologjike në këto vende konsiderohet e kënaqshme, përkatësisht nën

kontroll.

Për ta siguruar statusin e një vendi të sigurt, ai duhet të regjistrojë maksimum 75 raste pozitive me koronavirus për 100 000 banorë në 14 ditë e fundit.

Çështja e shëndetit është në kompetencën kombëtare të secilit shtet anëtar të BE-së prandaj, edhe në rast se disa vende deklarohen të sigurt, secili vend i BE-së ka të drejtë të vendosë masa për ta luftuar koronavirusin.

BE i azhuron listat çdo dy javë në përputhje me situatën epidemiologjike në secilin vend veç e veç.



## Guterres riemërohet sekretar i përgjithshëm i OKB-së

NJU-JORK, 18 QERSHOR - Asambleja e Përgjithshme e Kombeve të Bashkuara ka emëruar të premten Antonio Guterres për një mandat të dytë sekretar të

përgjithshëm, duke ia mundur atij që për pesë vjetët e ardhshëm ta drejtojë organizatën me 193 anëtarë. Më herët, gjatë këtij muaji, 15 vendet anëtare të Këshillit

të Sigurimit të Kombeve të Bashkuara kanë mbështetur kandidaturën e Guterresit për një mandat të dytë. Sipas Kartës së OKB-së, Asambleja e Përgjithshme emëron

sekretarin e përgjithshëm me rekomandim të Këshillit të Sigurimit. Mandati i ri i diplomatit portugez 72-vjeçar do të nisë më 1 janar të vitit 2022.

# Osmani nga Turqia: BE-ja duhet ta mbajë premtimin për liberalizimin e vizave

EPOKA  
ERE

Qendresa RAMA

PRISHTINË, 18 QERSHOR - Me ftesë të presidentit të Republikës së Turqisë, Taip Erdogan, presidentja e Kosovës, Vjosa Osmani, ka marrë pjesë në samitin vjetor të Procesit të Bashkëpunimit në Evropën Juglindore (SEECP). Në fjalimin e saj, Osmani para përfaqësuesve të vendeve anëtare të këtij forumi ka folur mbi sfidat e rajonit, procesin e integritetit në BE, si dhe mbi mundësitë e bashkëpunimit rajonal. Ndër të tjera, presidentja Osmani ka theksuar se

bashkëpunimi rajonal është i domosdoshëm, por edhe i mundur, nëse mbështetet në njohjen dhe respektimin e njëri-tjetrit. "Prandaj u bëra edhe një herë thirrje vendeve të cilat nuk e kanë njohur ende pavarësinë e Kosovës, që ta njohin sa më parë atë, ngaqë ai është realitet i pakthyeshëm, si dhe ta respektojnë plotësisht sovranitetin dhe integritetin territorial të vendit tonë. Integrimi euroatlantik nuk përbën vetëm një alternativë për ne. Ai parqet rrugën e vetme përpara. Por, përkushtimi ynë ndaj integriteteve duhet të njihet nga Bashkimi Evropian. Siç po lëvizim

ne me shpejtësi drejt integritetit të vendit tonë, duke i përmbushur të gjitha kërkesat e parashtuara ndaj nesh, edhe Bashkimi Evropian duhet ta vlerësojë angazhimin e qytetarëve të Kosovës dhe ta mbajë premtimin për liberalizim të vizave", ka thënë Osmani. Gjatë qëndrimit në Turqi, në margjinat e Procesit të Bashkëpunimit në Evropën Juglindore, presidentja Osmani u takua me përfaqësuesin e lartë të BE-së, Joseph Borell, me të cilin ka biseduar për raportet Kosovë - BE si dhe për dialogun me Serbinë të lehtësuar nga BE-ja.



## Tahiri: AAK-ja është e shqetësuar për kapjen institucioneve të pavarura

PRISHTINË, 18 QERSHOR (ER) - Shefi i grupit parlamentar i Aleancës për Ardhmërinë e Kosovës (AAK), Besnik Tahiri, ka thënë se janë të shqetësuar me tendencën e kapjes dhe shkarkimit të institucioneve të pavarura nga qeveria Kurti. "AAK-ja është jashtëzakonisht e shqetësuar me tendencën e kapjes dhe shkarkimit të institucioneve të pavarura. Kërkesa ime është që çfarëdo shkarkimi të jetë mbi një bazë të një vlerësimi të performancës dhe jo mbi baza politike", ka thënë Tahiri pas mbledhjes së kryesisë së Kuvendit. Tahiri ka thënë se nga mbledhja e kryesisë ka kërkuar që të ndalen praktikata e uzurpimit të institucioneve të pavarura. "Kërkova që të ndalohej praktika e uzurpimit dhe marrjes së pavarësisë së këtyre institucioneve në emër të demokracisë", ka deklaruar Tahiri.



## Gashi për rastin e Dakës: Presim që me këtë çështje një herë të merret Avokati i Popullit

Prishtinë, 18 qershor - Shefi i grupit parlamentar i Lidhjes Demokratike të Kosovës (LDK), Arben Gashi, ka folur të premten për shkarkimin e ish-kryetares së Komisionit Qendror të Zgjedhjeve (KQZ), Valdete Daka. Gashi në një konferencë për media pas mbledhjes së kryesisë së Kuvendit të Kosovës ka thënë se sa i përket kësaj çështjeje janë duke pritur që Avokati i Popullit të merret me këtë çështje dhe t'i drejtohet Gjykatës Kushtetuese. "Kemi mendime të ndryshme sa i përket kësaj çështjeje. Ne i përkrahim mendimet e Dakës. Për momentin ajo thotë se do t'i ndjekë rrugët ligjore, pastaj presim nga institucionet e pavarura kushtetuese që ta bëjnë punën e tyre për të parë se sa janë shkelur kategoria e të drejtave të njeriut, pavarësia e institucioneve kushtetuese etj. Pra Avokati i Popullit le të merret me këtë çështje dhe t'i drejtohet Gjykatës Kushtetuese dhe nëse asnjëra nga këto institucione nuk funksionon, atëherë do të shohim në aspektin politik sepse veprimi dhe vlerësimi ynë është politik dhe i drejtohet kapacitetit juridik dhe Gjykatës Kushtetuese. Presim që me këtë çështje të merret Avokati i Popullit", thënë Gashi.



## Kuvendi i Kosovës të martën dhe të enjten do të mbajë seancë plenare

Prishtinë, 18 qershor (ER) - Të martën deputetëve të Kuvendit do t'i drejtohet ministri i

Punëve të Jashtme i Italisë, Luigi Di Maio, ndërsa në seancën e së enjtes në rend dite

do të jetë edhe rekomandimi për shkarkimin e Këshillit të Pavarur Mbikëqyrës të

Shërbimit Civil të Kosovës. Kështu u tha të premten pas takimit të Kryesisë së Kuvendit.





FLET PËR "EPOKËN E RE", SHKËLZEN MALIQI

# Nëse Kosova tregohet konstruktive në dialog, pesha e kompromiseve do t'i bjerë Serbisë

Analisti politik Shkëlzen Maliqi ka shprehur skepticizëm për mundësinë e arritjes së marrëveshjes finale Kosovë - Serbi. Në këtë intervistë dhënë gazetës "Epoka e re", ai ka thënë se Serbia nuk është e gatshme ta njohë pavarësinë e Kosovës. Sipas tij, nëse kryeministri Albin Kurti ka menduar se mund të hapë tema të reja në këtë proces, e ka pasur gabim. Ai ka thënë se Kurti duhet të kthehet te temat e papërfunduara, siç është asociacioni i komunave me shumicë serbe. Maliqi ka vlerësuar se nëse Kosova do të jetë konstruktive në dialogun e Brukselit, pesha më e madhe e kompromiseve do t'i binte Serbisë

cilën në parim e pranoi pala shqiptare, por si organ këshillëdhënës, dhe jo me ingerenca të pushtetit autonom, çfarë kërkonin serbët. Në ndërkohë, nga viti 2015 ndodhi dobësimi dhe lodhja e BE-së si lehtësuese e dialogut, sepse mbeti pa ofertë dhe mundësi të ndikimit jo vetëm sa i përket kënaqjes së ambicieve të papajtuësme të dyja palëve, por s'gjente dot as ndonjë ofertë kompromisi. Duke e parë qorrsokakun, lehtësuesit e BE-së, përmes disa projekteve të instituteve gjeostrategjike dhe një shtytjeje të lobistëve pro-serbë në Austri, tentuan që orientimin e dialogut ta kthejnë në një binar "alternativ" të ndarjes etnike në mes të shqiptarëve dhe serbëve, përmes

korrigjimit të kufirit të Kosovës me Serbinë duke ndjekur parimin e shtrirjes etnike. Si zgjidhje "pragmatike" u pa këmbimi i territoreve: disa komuna në veri të Kosovës të banuara me shumicë dërrmuese serbe do t'i merrte Serbia, kurse disa komuna të Jugut të Serbisë, me popullsi dërrmuese shqiptare, do t'i takonin Republikës së Kosovës. Si marrëveshje dypalëshe, kjo edhe ka mundur të realizohej, por menjëherë dolën argumentet se ky do të ishte termet katastrofal për rajonin, që do të rrezikonte dhe zhbënte të paktën dy shtete të Ballkanit Perëndimor, Bosnjën dhe Maqedoninë Veriore! Por dështimi i këtij plani, para dy vjetësh, nuk solli asgjë të re, pos përpjekjeve që dialogu të kthehet

**EPOKA E RE****Muhamet KOCI**

PRISHTINË, 18 QERSHOR - "Epoka e re": Z. Maliqi, të martën ka ndodhur takimi i parë ndërmjet kryeministrit të Kosovës, Albin Kurti dhe presidentit të Serbisë, Aleksandër

Vuçiq, në kuadër të vazhdimit të dialogut Kosovë - Serbi. Si e keni parë këtë takim?

**Maliqi:** Dialogu Kosovë - Serbi prej vitësh është në krizë, nuk prodhon asnjë rezultat për të qenë. Nga vitet 2013 dhe 2015 dialogu vendnumëronte dhe bllokohej, gjë që shteri

mundësitë e formulës "dialog teknik" për zgjidhjen e pjesshme të problemeve për ta lehtësuar normalizimin e raporteve mes dy vendeve, sepse për zbatimin e plotë të tyre, nevojitej arritja e marrëveshjes politike. Çështja më delikate mbeti asociacioni i komunave me shumicë serbe, të

në binarët e procesit që pati filluar në vitin 2011. Kësaj here premtose se dialogu duhet të jetë i afatshëm dhe jo i hapur, i rikoordinuar nga BE-ja dhe ShBA-ja, por pa garanci të qarta se me çfarë do të motivohen ose sanksionohen palët që po e dialogojnë marrëveshjen e normalizimit të plotë të marrëdhënieve, me pritje që ato të përfundojnë me njohje të ndërsjellë mes dy shteteve.

**“Epoka e re”:** Pas takimit kryeministri Kurti i bëri publike propozimet që i kishte prezantuar në takim. Cili është vlerësimi juaj për këto propozime?


**Maliqi:** Kryeministri i Kosovës ka qenë shumë hezitues që të futet menjëherë në dialog, kundër të cilit ka qenë gjatë tërë karrierës së tij të politikës, edhe në opozitë, edhe si kryeministër, duke deklaruar se nuk e ka prioritet në agjendën e tij. Mirëpo, presionet e faktorëve ndërkombëtarë e detyruan që ta ndryshojë mendjen, e pranoi takimin me presidentin serb, por për herën e parë bëri përpjekje që dialogun ta rikonfigurojë dhe ndryshojë, në mënyrë që mos të jetë vazhdim i procesit të Brukselit, që e konsideronte të dështuar. Mirëpo, të katër pikat e planit të tij nuk u pranuan mirë as nga faktorët ndërkombëtarë e as nga Serbia, sikundër që edhe media dhe analistët neutralë i komentuan si shfaqje e arrogancës dhe mendjemadhësisë së kryeministrit, të cilit i duhej kjo shfaqje për të mbetur në vijat e premtimeve të tij elektorale.

**“Epoka e re”:** Kryeministri Kurti, i cili gjatë gjithë karrierës së tij politike i ka kundërshtuar bisedimet me Serbinë, për herë të parë po udhëheq Kosovën në këto bisedime. Pritni ndonjë ndryshim të qasjes së Kosovës në këtë proces?

**Maliqi:** Kryeministri po ndryshon për çdo ditë. Nuk është më as hije e radikalit të dikurshëm, por i duhet kohë që të përshtatet, dhe kohë pas kohe kombinon zotimet e vjetra me ato të reja që iu detyrohet obligimeve ndërkombëtare që i ka marrë Kosova sa iu përket marrëveshjeve që i ka ratifikuar Kuvendi i Kosovës. Besoj se ai e ka kuptuar se tash e tutje duhet t’u kthehet sjelljeve më pragmatiste, sepse u pa se u qortua zëshëm nga ambasadori amerikan dhe britanik, për paraqitjen e parë në Bruksel, kur e kujtuan se historia dhe dialogu nuk fillojnë me qeverinë Kurti, por se dialogu është vazhdimësi e një procesi që tashmë ka pasur rezultate dhe duhet të rumbullakohet në një afat të caktuar. Nëse Kurti ka menduar se mund të hapë tema dhe qasje të reja, e ka pasur gabim, duhet të kthehet te temat e papërfunduara, çfarë është asociacioni i komunave me shumicë serbe, duke e vendosur në binarë të pranueshëm për të dyja palët.

**“Epoka e re”:** Në takimin e së martës u panë qëndrimet e kundërta të palëve. Sa janë gjasat që në fund të këtij procesi të kemi një marrëveshje përfundimtare?

**Maliqi:** Deklarimet e derisotme të palëve nuk japin shpresë për



ndonjë përparim të shpejtë dhe substancial. Unë jam ende skeptik për mundësinë e arritjes të marrëveshjes finale në formën e njohjes së ndërsjellë. Serbia nuk është e gatshme ta pranojë pavarësinë e Kosovës, por në këtë fazë ndoshta do të pajtohej që si kompensim për jetësimin e asociacionit të komunave serbe (në kuadrin e kornizave të Kushtetutës së Kosovës), të pranojë heshturazi realitetin e Republikës së Kosovës, nëse BE-ja do t’i binte pesë anëtarët që nuk e kanë njohur Kosovën, që ta

bëjnë këtë, dhe kështu do të hapej edhe për Kosovën rruga për integrimin në strukturat euroatlantike dhe, njëkohësisht, që Kosova edhe pa njohjen formale të Serbisë, të jetë e barabartë në krijimin e tregut të përbashkët të Ballkanit Perëndimor, që kryeministri Kurti tashmë e ka pranuar si një mundësi zhvillimore. Modalitetet e kompromiseve që avancojnë pozitën e Kosovës mund të jenë të shumta, ata duhet të negocohen, por nëse Kosova do të jetë konstruktive në dialog, pesha më e madhe e kompromiseve do të

duhej t’i binte Serbisë, si në Rambuje, ose në negociatën të Vjenës, dhe jo që Kosova të jetë bllokuese e procesit, sepse statusi kuoja aktuale i shkon në favor Serbisë, dhe jo Kosovës.

**“Epoka e re”:** Në anën tjetër, opozita që deri vitin e kaluar e ka udhëhequr këtë proces, po refuzon të marrë pjesë në dialog. Cili duhet të jetë qëndrimi i partive opozitare ndaj këtij procesi?

**Maliqi:** Opozita e ka gabim, nuk duhet ta imitojë Vetëvendosjen duke kundërshtuar politikën transformuese të Kryeministrit Kurti. Fakti se Kurti tani po pranon dialogun, afirmon aspektet pozitive të dialogut në të kaluarën që e kanë mundësuar rumbullaksimin e tërësisë territoriale të Kosovës, pasi që Marrëveshja e Brukselit mundësoi vendosjen e pikave doganore të Kosovës në Veri, nxitu integrimin e serbëve në institucionet e Kosovës, pjesëmarrjen e tyre në zgjedhjet e Kosovës etj. Kuptohet se këto procese u manipuluan nga Beogradi duke krijuar Listën Serbe që i shërben Beogradit për t’i kontrolluar proceset politike në Kosovë, por kur një herë e pa kthim fuqizohet shtetësia e Kosovës, dhe kur Kosovës i hapën rrugët për integritet të papengura në BE dhe NATO, do të kemi një fazë më të avancuar të integritit të serbëve në veri të Kosovës. Nëse ka dyshime në zhvillimet pozitive në këtë drejtim, si edhe më herët, nuk do të duhej të ishin shqiptarët ata që pengojnë këto procese, por t’i lëmë Beogradit ta demonstrojë fytyrën e vërtetë të politikave të tyre retrograde.

## Fillon afati për certifikim të partive politike për zgjedhjet lokale



PRISHTINË, 18 QERSHOR (ER) - Komisioni Qendror i Zgjedhjeve (KQZ) ka njoftuar partitë politike, koalicionet, iniciativat qytetare dhe kandidatët e pavarur, të cilët duan të marrin pjesë në zgjedhjet lokale, se afati i aplikimit për certifikim ka filluar dhe përfundon më 16 gusht 2021. Sipas një postimi

në rrjetin social në “Facebook” të faqes së KQZ-së, thuhet se kërkesat për certifikim dorëzohen në Zyrën për Regjistrimin e Partive Politike dhe Certifikim, në çdo kohë, gjatë orarit të punës, nga ora 08:00 deri në orën 16:00. “Njoftohen të gjitha partitë politike, koalicionet, iniciativat qytetare dhe kandidatët e

pavarur, të cilët duan të marrin pjesë në zgjedhjet lokale, se afati i aplikimit për certifikim ka filluar dhe përfundon më 16 gusht 2021. Kërkesat për certifikim dorëzohen në Zyrën për Regjistrimin e Partive Politike dhe Certifikim, në çdo kohë, gjatë orarit të punës, nga ora 08:00 deri në 16:00”, ka njoftuar KQZ-ja.

## MPB-ja dhe UNHCR shënuan Ditën Botërore të Refugjatëve

PRISHTINË, 18 QERSHOR (ER) - Ministria e Punëve të Brendshme së bashku me UNHCR-në të premtën shënuan Ditën Botërore të Refugjatëve si dhe u bë përrurimi i Qendrës së Azilit, e sapo rinovuar në Vranidoll. Ministri i Punëve të Brendshme, Xhelal Sveçla, ka theksuar se Kosova si vend nga i cili para 23 vjetësh kanë dalë afër 1 milion refugjatë, sot ka të hartuar një sërë dokumentesh

ligjore me qëllim të trajtimit të refugjatëve në harmoni me standardet ndërkombëtare në fushën e lirisë dhe të drejtave të njeriut e të drejtave të refugjatëve në veçanti. “Si popull jemi përballur me të njëjtën situatë në vitet ’98-’99, kur afër 1 milion shqiptarë dhunshëm u dëbuan nga shtëpitë tyre dhe u strehuan në vendet fqinje, por edhe më larg. Ne njohim më mirë se kushdo tjetër ndjenjën e të

qenit larg nga shtëpitë e tokat tona duke mos ditur se do të kthehemi ndonjëherë në to. Momentet e largimit nga vendi ynë janë menduar si të fundit sepse qëllimi ishte siguria dhe mirëqenia në vendet përreth”, ka thënë ministri Sveçla, duke u zotuar se bashkëpunimi do të vazhdojë ngushtë me të gjitha organizatat që angazhohen për mbrojtjen e refugjatëve në Kosovë, veçanërisht me UNHCR-në.



## Fillon realizimi i analizave biokimike në QMF në Gjonaj

PRIZREN, 18 QERSHOR (ER) - Kryetari i Komunës së Prizrenit, Mytaher Haskuka, së bashku me drejtoreshën e Drejtorisë së Shëndetësisë, Narqize Arënlju-Hoxhaj dhe drejtorin e Qendrës Kryesore të Mjekësisë Familjare në Prizren, Xhevat Elez Kurtaj, kanë bërë përrurimin e laboratorit të analizave në Qendrën e Mjekësisë Familjare në Gjonaj. Duke theksuar se tanimë banorët e këtij fshati, por edhe e gjithë rajonit të Hasit, mund të marrin shërbime laboratorike, pa pasur nevojë që të vijnë në qytet, kryetari Haskuka ka thënë se tanimë në këtë QMF mund të kryhen pothuajse të gjitha analizat biokimike që realizohen në QKMF në Prizren.

Duke rikujtuar se QMF-ja në Gjonaj është përruruar në muajin shtator të vitit të kaluar, Haskuka ka shtuar se tanimë banorët e këtij rajoni po marrin shërbime cilësore në infrastrukturë moderne dhe ka theksuar se Komuna e Prizrenit është komunë e reformave shëndetësore.

Në anën tjetër, drejtoresha Arënlju Hoxhaj ka bërë me dije se ky laborator është i pajisur me të gjitha pajisjet e nevojshme dhe ka shtuar se këto shërbime do të ofrohen nga stafi i specializuar për kryerjen e analizave laboratorike. Ajo, po ashtu, ka njoftuar se ky laborator do të punojë dy herë në javë, të martën dhe të enjten.



## Rrënohen dy anekse të ndërtruara pa leje afër Gërmisë



PRISHTINË, 18 QERSHOR (ER) - Në vazhdim të angazhimit të inspektorëve komunalë të ndërtimit, për ta pamundësuar zhvillimin e punëve pa leje në kryeqytet, të premtën janë rrënuar edhe dy anekse të ndërtruara pa leje afër Gërmisë. Komuna e Prishtinës ka njoftuar se vendimi për rrënimin e këtyre anekseve vjen si pasojë e mosrespektimit të urdhërave të inspektorit, të lëshuara pasi ishte konstatuar se të dy anekset ishin ndërtruar në kundërshtim me lejen ndërtimore.

“Inspektorët e ndërtimit janë të obliguar që ta përcjellin zbatimin e lejeve të lëshuara nga Drejtoria e Urbanizimit. Ndërsa tejkalmi i lejes ndërtimore përbën shkelje ligjore dhe nënkupton ndërtim pa leje. Drejtoria e Inspeksionit në vazhdimësi ka njoftuar se për shkeljen e Ligjit të Ndërtimit më i dëmtuari mbetet vetë investitori/ja ngaqë ndërtimet pa leje dënohen dhe rrënohen. Dhe kjo vlen për të gjithë ndërtuesit pa leje, pa dallime”, ka njoftuar Komuna e Prishtinës.

## Përrurohet ndriçimi publik në rrugët e fshatrave Dumnicë dhe Obrançë

Podujevë, 18 qershor (ER) - Në kuadër të projekteve të shërbimeve publike është finalizuar projekti i ndriçimit publik në rrugët “Ramë Obrança”, “27 dhjetori” dhe “Selim Obrança” në Obrançë dhe “Bajram Metolli” e “Sahit Azemi” në Dumnicë.

Kryetari i Komunës së

Podujevës, Shpejtim Bulliqi, ka përruruar ndriçimin publik në rrugët e dy fshatrave, në një gjatësi të përgjithshme prej 6.6 km.

Bulliqi me këtë rast uroi banorët e këtyre fshatrave dhe tha se projekti i ndriçimit publik do të vazhdojë me vendosjen e rrjetit të

ndriçimit edhe në shumë fshatra dhe lagje të qytetit. “Projektet për ndriçim publik në qytet dhe fshatra do të vazhdojë. Janë projekte që do të trajtohen me prioritet, sepse ndikojnë drejtpërdrejt në sigurinë e qytetarëve të Komunës së Podujevës”, ka thënë Bulliqi.



## Për Ditën e Çlirimit, Jashari e Lladrovci bëjnë homazhe në Prekaz

Skenderaj, 18 qershor (ER) - Me rastin e Ditës së Çlirimit, kryetari i Komunës së Skenderajt, Bekim Jashari, së bashku me kryetarin e Drenasit, Ramiz Lladrovci, me gjeneralët Nuredin Lushtaku e Musa Jashari, me shoqatat e dala nga lufta e

UÇK-së, komandantin e Stacionit Policor në Skenderaj, Basri Durmishi, asamblistët, klubin e motoristëve “Veteranët e UÇK-së” dhe qytetarë, kanë homazhe në Kompleksin Memorial “Adem Jashari” në Prekaz. “Nderimin për

dëshmorët e kombit e vazhduam në Kompleksin e Dëshmorëve në Marinë, aty ku pushojnë luftëtarët e lirisë, që me luftën e tyre të drejtë dhe gjakun e derdhur u bënë themel i lirisë dhe pavarësisë sonë”, ka thënë Jashari.



# Vitia shpreh shqetësimin se Kosova nuk është në listën e udhëtimeve 'Free Covid' të BE-së

Ministri i Shëndetësisë, Arben Vitia, gjatë takimit me shefin e Zyrës së Bashkimit Evropian në Kosovë, Tomas Szunyog, ka shprehur shqetësimin se Republika e Kosovës nuk është në listën e udhëtimeve "Free Covid" të BE-së pavarësisht prej situatës shumë të mirë epidemiologjike. "Rënia e dukshme e rasteve të vdekjes dhe e hospitalizimeve, numri i ulët i rasteve, shkalla e ulët e pozitivitetit nën një për qind dhe indikatorë të tjerë tregojnë situatën epidemiologjike si shumë të mirë dhe stabile", ka thënë ministria Vitia



me ministrin Vitia, u pajtuan për ta vazhduar bashkëpunimin në

mes të Bashkimit Evropian dhe Republikës së Kosovës për

përmirësimin dhe përforcimin e sistemit shëndetësor në Kosovë.

## Në 24 orët e fundit nëntë raste me Covid në Kosovë, asnjë rast i vdekjes

Ministria e Shëndetësisë ka njoftuar se, sipas të dhënave nga Instituti Kombëtar i Shëndetësisë Publike i Kosovës, nga 1 694 testime, nëntë qytetarë kanë rezultuar pozitivë me virusin Covid-19. Gjatë 24 orëve të fundit nuk

është shënuar asnjë rast i vdekjes. Të premtën janë shëruar edhe 14 qytetarë, derisa numri i përgjithshëm i të shëruarve është 105 200. Në total numri i rasteve aktive është 179. Në 24 orët e fundit janë dhënë

7 341 doza të vaksinës kundër Covid-19. Prej fillimit të vaksinimit në të gjitha qytetet e Kosovës janë dhënë 125 882 doza të vaksinës. Deri më sot 16 821 qytetarë janë vaksinuar me dozën e dytë.

## Ministri i Mbrojtjes i bashkohet fushatës për dhurimin e gjakut



PRISHTINË, 18 QERSHOR (ER) - Aksionit për dhurimin vullnetar të gjakut të premtën, në tendën e improvizuar, në sheshin "Nënë Tereza", iu bashkua ministri i Mbrojtjes, Armend Mehaj, i cili me një pjesë të stafit dhuroi gjak në kuadër të fushatës tradicionale të Qendrës Kombëtare të Transfuzionit të Gjakut. Ky aksion zhvillohet në kuadër të shënimit të 14 qershorit - Dita Botërore e dhurimit të gjakut. Me këtë rast, ministri Mehaj, i shoqëruar edhe nga zëvendësministri Sylja dhe drejtoresha e QKTGJ-së, dr. Bukurie Zhubi, vlerësoi lartë iniciativën përkatëse, duke theksuar se Ministria e Mbrojtjes dhe FSK-së, sikur në kuadër të detyrimit ligjor për mbështetje ushtarake të autoriteteve civile, gjithashtu

edhe në forma të organizimit vullnetar, është gjithëherë e gatshme ta ofrojë mbështetjen dhe ndihmën e nevojshme në shërbim të institucioneve dhe qytetarëve tanë. Zhubi e vlerësoi lart vullnetin e ministrit Mehaj, duke theksuar se ndër kontribuuesit më të mëdhenj në vend, në dhurimin vullnetar të gjakut, janë zyrtarët dhe ushtarakët e Ministrisë së Mbrojtjes dhe FSK-së të cilët realizojnë dhurimin periodik të organizuar dy herë brenda vitit, krahas dhurimeve individuale e grupore në raste të shumta. Dita Botërore e Dhurimit të Gjakut është ditë që u kushtohet dhuruesve të gjakut për hir të sakrificës që ata bëjnë si dhe për ndërgjegjësimin e qytetarëve për të pasur sa më tepër dhurues vullnetarë të gjakut.

## Kirurgjia e Fëmijëve: 432 operacione për gjashtë muaj

PRISHTINË, 18 QERSHOR (ER) - Në Klinikën e Kirurgjisë së Fëmijëve të Qendrës

Klinike Universitare të Kosovës janë kryer 432 operacione nga kirurgët

në periudhën janar - qershor. Prej këtyre, 212 operime ishin të natyrës

urgjente, ndërsa 220 të tjera ishin operacione elektive.



# Kosova përfitoi miliarda euro nga remitencat



Prishtinë, 18 qershor - Për 13 vjet Kosova ka pranuar afër nëntë miliardë euro remitencat. Këto mjete financiare që dërgojnë qytetarët e Kosovës, të cilët jetojnë jashtë vendit, te familjet e tyre, nuk kanë munguar edhe gjatë pandemisë me Covid-19. Mbi 200 milionë migrantë punëtorë, gra dhe burra, dërgojnë para për mbi 800 milionë familjarë.

Në Kosovë, në vitin 2020, vlera e remitencave, sipas të dhënave të Bankës Qendrore të Kosovës (BQK), ishte rreth 940

milionë euro, kurse në tremujorin e parë të këtij viti vlera e remitencave kap shumën e mbi 200 milionë eurove.

Remitencat në Kosovë paraqesin kategorinë më të madhe në kuadër të llogarisë së të ardhurave dytësore.

Mirjeta Nura ka 30 vjet që jeton dhe punon në Bazel të Zvicrës. Ajo thotë se ndihma për familjarët e saj në Kosovë nuk ka munguar asnjëherë përgjatë këtyre viteve. "Unë ju dërgoj para gjithëherë të mi. Çdo vit dërgojmë, gjithmonë ju

ndihmojmë. Paratë i dërgoj çdo dy apo tre muaj. Nuk kam bërë ndonjë përlllogaritje se sa para kam mundur t'i dërgoj gjatë kësaj kohe, por mund të them se çdo dy apo tre muaj i dërgoj nga 300 euro", ka thënë për "Radion Evropa e Lirë".

## Remitencat, në konsum dhe patundshmëri

Përgjatë viteve remitencat kanë pasur një rol të rëndësishëm në ekonominë e Kosovës, duke nxitur rritjen ekonomike dhe duke siguruar të ardhura shtesë

për familjet me të ardhura më të vogla. Pjesa më madhe e remitencave, sipas të dhënave të BQK-së, shkojnë për konsum, pastaj në investime, kryesisht në blerje të patundshmërive. Lirim Krasniqi, hulumtues dhe analist i politikave në organizatën "Germin", organizatë kjo që merret kryesisht me çështje të diasporës, thotë për "Radion Evropa e Lirë" se remitencat kanë luajtur një rol shumë të rëndësishëm në kuptimin e mirëmbajtjes së paqes sociale. "Remitencat duhet të trajtohen

edhe në aspekte të tjera, siç janë kostoja e lartë e transfereve të remitencave, gjithashtu kanalet në të cilat shpenzohen këto remitencat. Pavarësisht prej shumës së lartë të remitencave, një shumë e madhe e tyre shpenzohen për konsum të brendshëm, që nënkupton se ndikimi nuk është shumë i madh sa mund të jetë, pasi që Kosova ka një bilanc të pafavorshëm tregtar dhe shumica e produkteve të shportës së konsumit të brendshëm, vijnë nga importi", ka thënë ai.

## Punëtorët e Lotarisë së Kosovës protestojnë të hënën

PRISHTINË, 18 QERSHOR (ER) - Sindikata e Punëtorëve e Lotarisë së Kosovës ka njoftuar se punëtorët e saj do të protestojnë të hënën me kërkesën për miratimin e ligjit për Lotarinë e Kosovës. Sipas njoftimit të sindikatës, protesta nis në orën 11:00 para ndërtesës së Qeverisë së Republikës së Kosovës. "Gjithashtu, paralajmërojmë se do të vazhdohet me protesta gjatë ditëve të punës deri në

përbushjen e kërkesës së punëtorëve të Lotarisë së Kosovës. Qeveria e Republikës së Kosovës i ka premtuar Sindikatës së Punëtorëve të Lotarisë së Kosovës se do të gjejë një zgjidhje për punëtorët tanë, mirëpo një premtim i tillë ende nuk është përbushur. Punëtorët tanë momentalisht gjenden në një situatë të mjerueshme përderisa u bë një vit që s'kanë marrë pagë,

e sidomos në përballje me luftimin e pandemisë Covid-19 që edhe më tepër e ka rënduar gjendjen e tyre", thuhet në njoftimin për media.

Sindikata e Lotarisë së Kosovës ka ftuar të gjitha mediat të jenë të pranishme, si dhe i bën thirrje publike Qeverisë së Kosovës që ta përbushë premtimin dhe obligimin që ka ndaj punëtorëve të Lotarisë së Kosovës.



### Mbi 65 për qind e kosovarëve varen nga remitencat

“Radio Evropa e Lirë” përmes një ankete të publikuar në uebfaqen e saj vitin e kaluar pati pyetur qytetarët se sa varen ata nga remitencat. Në këtë anketë, 68 për qind e pjesëmarrësve kanë deklaruar se varen nga këto para. Numri i qytetarëve të Kosovës që jetojnë jashtë vendit, sipas të dhënave të Agjencisë së Statistikave të Kosovës, deri në fund të vitit 2018, vlerësohet të jetë mbi 850 mijë banorë.

Qytetarët e Kosovës kryesisht jetojnë në numër më të madh në Gjermani dhe në Zvicër dhe remitencat kryesisht, sipas të dhënave të BQK-së, dërgohen nga këto vende.

Remitencat, shton Krasniqi, kanë pasur edhe efektin

negativ, pasi që njëfarë formë në disa raste kanë krijuar një varësi të rrejshme të familjeve që dikush duhet të punojë dhe kontribuojë për ta, dhe nuk i ka motivuar, sidomos të rinjtë, që të gjenden në tregun e punës. Ai thotë se është e rëndësishme që të rritet edukimi financiar te pranuesit e remitencave, në mënyrë që të kenë informacion se si mund të rritet ndikimi i remitencave në ekonominë e vendit. “T’i riorientojmë remitencat përmes rritjes së edukimit të pranuesve dhe krijimit të mekanizmave institucionale që ulin koston për dërguesit dhe, në anën tjetër, të krijohen mundësi për krijimin e mekanizmave, si fonde të ndryshme investive apo bonot e diasporës, që do të përdoren për investime kapitale në Kosovë”, ka thënë Krasniqi.

## Qeveria planifikon të lëshojë bono thesari për diasporën

Qeveria e Kosovës në planin qeverisës katërvjeçar ka paraparë që nëpërmjet krijimit të instrumenteve për investim, kapitali i diasporës të kanalizohet në investime që krijojnë vende pune. Ky plan i qeverisë ka paraparë që nga viti i parë i qeverisjes të emetohen bono thesari, të dedikuara për diasporën.

Sipas Organizatës së Kombeve të Bashkuara, remitencat janë vitale për zhvillimin e botës. Remitencat individuale mund të jenë “në vlerë relativisht të vogël”, por remitencat e përgjithshme janë tri herë më të mëdha sesa ndihma zyrtare botërore për zhvillim. Sipas OKB-së, remitencat shërbejnë për të mbuluar shumë nevoja bazike të familjeve dhe mbështesin edhe edukimin.



## Ish-punëtorët e ‘Rilindjes’ kërkojnë 20-përqindëshin dhe njohjen e stazhit të punës

PRISHTINË, 18 QERSHOR - Ish-punëtorët e gazetës “Rilindja” të premten kanë protestuar para objektit të tyre të dikurshëm për ta kërkuar realizimin e 20-përqindëshit për punëtorët dhe njohjen e stazhit të punës.

Drejtori i gazetës “Rilindja”, Zeqir Bekolli, duke kërkuar realizimin e kërkesave të tyre për 20 për qind dhe stazhin e punës, theksoi në vazhdimësi se janë duke u injoruar nga institucionet përkatëse.

Bekolli tha se e drejta e tyre për kompensim vetëm për pallatin “Rilindja” janë mbi 3 milionë euro për punëtorët, ndërsa për 20-përqindëshin nuk ka ndonjë shumë të caktuar. “Kërkesa jonë e dytë, përveç 20-përqindëshit, është edhe kërkesa për njohjen e stazhit të punës. Punonjësit të cilët kanë punuar edhe gjatë kohës së okupimit dalin në pension me 100 euro. Prandaj, kësaj radhe dëshirojmë që ta tërheqim vëmendjen e opinionit publik dhe të institucioneve nëse mund t’i quajmë tonat, për faktin se këto në vazhdimësi i kanë diskriminuar dhe vazhdojnë edhe sot të na injorojnë”, ka theksuar Bekolli.



## Deponia e Mirashit do të mbyllet

PRISHTINË, 18 QERSHOR (ER) - Pas një dekadë e gjysmë të keqmenaxhimit të deponisë më të madhe të plehrave, ‘Deponia e Mirashit’, e cila ndodhet në Komunën e Obiliqit, për vite të tëra ka grumbulluar tonelata mbeturinash nga shtatë komuna të Rajonit të Prishtinës. Ministri i Ministrisë së Mjedisit, Planifikimit dhe Hapësinor

Infrastrukturës, Liburn Aliu, pas vizitës së zhvilluar në Mirash, ka shprehur bindjen se kjo deponi do të mbyllet. Pas vizitave monitoruese të realizuara në terren nga inspektorati mjedisor i MMPHI-së, si dhe nga Banka Zhvillimore Gjermane (KfW), është vlerësuar se gjendja mjedisore dhe infrastrukturore e deponisë është shumë e rëndë dhe jep imazhin e një deponie jashtë

çdo standardi të duhur të menaxhimit të mbeturinave. “Kemi nevojë për krijimin e deponive të reja duke u bazuar në menaxhim të mirëfilltë të integruar të mbeturinave, si dhe fuqizimin e mëtejshëm të inspektoratit mjedisor. Këto pika janë të një rëndësie të lartë për qeverisjen tonë, andaj edhe qasja jonë ndaj këtyre projekteve do të jetë e një niveli të tillë”, ka thënë Aliu.



**EURO GLASS**  
SAINT-GOBAIN SEKURIT PILKINGTON  
Enveri  
Adr: Fushë Kosovë  
Mob: 044 10 20 10 / 049 145 336  
E-mail: euro.glass@live.com



**QENDRA SPORTIVE**  
**'BUJOËSIA'**  
TEL: 045/82 82 82

# S'ka fitues në ndeshjet Angli-Skoci dhe Kroaci-Çeki



**Londër, 18 qershor** - Derbi mes Anglisë dhe Skocisë nuk ka mundur që të prodhojë asnjë fitues, duke u mbyllur në barazim 0-0. Një duel i bukur për t'u ndjekur, por që i mungoi vetëm goli. Ashtu siç edhe pritej ndeshja nisi me një ritëm të lartë. Rastin e parë dhe më të pastër për shënim ishte për Anglinë, teksa në minutën e 11-të mbrojtësi John Stones goditi shtyllën nga një distancë shumë e vogël me kokë. Skocia nuk qëndron aspak pasive, teksa krijon një mundësi shumë të mirë me O'Donnell në minutën e 30-të, i cili u ndal nga një pritje te Pickford. Disa sekonda më pas gardiani i njohur ndali një gol të sigurt pas një goditje të Adams nga krahu i djathtë. Fillimi i fraksionit të dytë ishte shumë më i mirë për Anglinë që krijon tri mundësi të pastra shënimi në harkun e pak sekondave. Mason Mount vendosi në provë reflekset e Marash, i cili devijoi topin në goditje nga këndi. Loja është e bukur dhe e ndezur. Në minutën e 63-të, Skocia kishte një mundësi shumë të mirë me Dykes, por goditja e tij u ndal në vijën e portës nga mbrojtësi James, i cili u tregua shumë i vëmendshëm. Në të 78-tën, Adams pati një shans shumë të mirë në krahun e djathtë, por tentativa e tij ishte shumë e gabuar, duke mos arritur që të godasë si duhet topin. Southgate me gjithë ndryshimet që bëri dhe në minutat e fundit nuk mundi të ndryshonte diçka në lojën e skuadrës angleze. Derbi ishte i ndezur deri në sekondat e fundit, me tifozët që dhuruan spektakël në shkallët e stadiumit, por rezultati mbeti i njëjtë 0-0. Ky është barazimi i dytë pa gola në Evropian. Anglia ngjitet në kuotën

e 4 pikëve, po aq sa Republika Çeke, por me një golaverazh më të dobët. Kombëtarja e Kroacisë ka mbetur pa fitore edhe në ndeshjen e dytë të Kampionatit Evropian "Euro 2020", pasi luajti baras ndaj Republikës Çeke me rezultat 1-1. Në minutën e 37-të, Patrik Schick kaloi të parët cekët në epërsi me golin e shënuar nga penalltia. Kroacia e barazoi rezultatit në fillim të pjesës së dytë me anë të Ivan Perisiq. Ende të dyja skuadrat përfaqësuese janë në lojë për kualifikim, por Çekia është me e favorizuar pasi tashme ka katër pikë, ndërsa Kroacia ka vetëm një pikë.

Suedia mposhti SllovaKinë Suedia e ka shijuar fitoren në ndeshjen e dytë të Kampionatit Evropian "Euro 2020", pasi sot e mposhti SllovaKinë me rezultat minimal 1-0. Pjesa e parë e ndeshjes u mbyllë 0-0, derisa suedezët fitoren e arritën në

GRUPI E	
Suedi - Sllovakia	1-0
Të shtunën takohen: 21:00 Spanjë - Polonia	
GRUPI D	
Kroaci - Çeki	1-1
Angli - Skoci	0-0
Tabela	
1. Çeki	4 pikë
2. Angli	4
3. Kroaci	1
4. Skoci	1

minutën e 77-të, kur Emil Forsberg realizoi nga penalltia për 1-0. Pas kësaj fitore, Suedia ka grumbulluar 4 pikë dhe është momentalisht në krye të Grupit E, ku bëjnë pjesë edhe Sllovakia, Spanja dhe Polonia. Spanja përballët sot në mbrëmje me Poloninë.



## Shaqiri: Kemi presion për ndeshjen ndaj Turqisë

Zvicra ka ende një shans për ta prerë biletën për në mesin 16 skuadrave më të mira në "Euro 2020". Zvicra duhet të fitojë në ndeshjen e fundit që të kualifikohet në fazën tjetër të Kampionatit Evropian. Para ndeshjes ka folur sulmuesi shqiptar Xherdan Shaqiri, i cili ka pranuar se presioni është i madh te Zvicra. "Tani kemi pak presion dhe duhet ta fitojmë ndeshjen e fundit. Për ta bërë këtë, duhet të provojmë të krijojmë me shumë mundësi", ka thënë Shaqiri. Zvicra ndeshjen ndaj Turqisë e zhvillon të dielën në orën 18:00.

## Busquets rezulton negativ, gati për ndeshjen ndaj Polonisë

Kapiteni Sergio Busquets është në dispozicion për t'u bashkuar me skuadrën e Spanjës në "Euro 2020". Mesfushori i Barcelonës mungoi në barazimin 0-0 me Suedinë, pasi rezultoi pozitiv me Covid-19. Federata Spanjolle e Futbollit ka njoftuar se Busquets mund të paraqitet në ndeshjen e ardhshme kundër Polonisë. "Kapiteni i ekipit kombëtar, Sergio Busquets, do të bashkohet me kampin e Spanjës këtë të premte dhe do të udhëtojë me ekipin në Sevilje pasi që e ka kaluar Covid-19", thuhet në njoftimin e Federatës Spanjolle të Futbollit.

## Lukaku: E merituar fitoren, por nuk ishte ndeshja më e mirë

Romelu Lukaku nuk shënoi në përmbysjen ndaj Danimarkës, por ishte një nga më të mirët në fushë, duke qenë protagonist te të dy golat me lëvizjet dhe pasimet e tij. Pas ndeshjes UEFA e vlerësoi si më të mirin e ndeshjes. "Ishte ndeshje e vështirë, e dinim se do të ishte kështu. Danimarka e nisi ndeshjen mirë, duke bërë një pjesë të parë të shkëlqyer pas gjithë asaj që përjetuan. Më pas e merituar atë përmbysje në pjesën e dytë, edhe pse nuk ishte ndeshja jonë më e mirë. Hyrja e De Bruyne? Me të në fushë qarkullimi ynë i topit u përmirësua. Falë hyrjes së tij në lojë, mund të gjenim më shumë hapësirë. Stadiumi i Kopenhagës plot? Sigurisht që kishte ndryshim për mirë, veçanërisht në fillim, ishte shumë bukur", është shprehur Lukaku.

## UEFA mund ta ndryshojë vendin e gjysmëfinaleve dhe finales së 'Euro 2020'

UEFA ka mundësi ta ndryshojë lokacionin e finales dhe gjysmëfinaleve së "Euro 2020". E gjitha kjo pasi që në Angli kanë ndryshuar disa rregulla sa i përket karantinës. Gjysmëfinalelet dhe finalja parashihet të zhvillohen në "Wembley Stadium" të Londrës. Me rregullin e ri, zyrtarët e UEFA-së, VIP-at, sponsorët dhe gazetarët ndërkombëtarë duhet të hyjnë në karantinë 10-ditore sipas udhëzimeve të qeverisë britanike. Kjo është arsyeja përse UEFA po mendon ndryshimin e lokacionit, dhe vetëm "Puskas Arena" në Budapest mbetet i vetmi që ka kapacitetin e plotë. UEFA po negocion me Qeverinë e Britanisë që të bëjë përjashtim në këtë rast, por negociatat ende nuk kanë dhënë fryt.

## Pensionohet Edmond Azemi. KB Prishtina e emëron drejtor gjeneral

**PRISHTINË, 18 QERSHOR** - Basketbollisti Edmond Azemi ka vendosur t'i japë fund karrierës së suksesshme dhe me plot trofe. Azemi është një prej lojtarëve më të mirë në histori të basketbollit të Kosovës. Ai është emëruar drejtor gjeneral nga KB

Prishtina. "Edo pas pensionimit do të vazhdojë të mbetet pjesë e klubit si drejtor gjeneral. Besojmë fuqishëm se do të vazhdojë të japë kontribut të jashtëzakonshëm në klubin tonë. Një lider, një kapiten i vërtetë, një ikonë, një

legjendë, një i papërsëritshëm", thuhet në njoftimin e skuadrës kryeqytetase. Azemi e nisi karrierën në KB Prishtina në vitin 1999, derisa karrierën e zhvilloi edhe në skuadrën e Valbonës në Shqipëri, pastaj në KR Basket të Islandës. Edo,

gjithashtu, luajti edhe për MZT Skopje dhe KB Liria nga Shkupi. Gjatë karrierës së tij ai mbrojti ngjyrat e kombëtares të Kroacisë, të Shqipërisë dhe të Kosovës. 36 trofetë e fituar e bëjnë të pakrahasueshëm në basketbollin e Kosovës.



## Llapi prezanton Shillovën, konfirmon largimin e Lecit

**PODUJEVË, 18 QERSHOR (ER)** - Sulmuesi Alban Shillova është prezantuar si futbollisti më i ri i skuadrës së Llapit nga Podujeva. Ish-sulmuesi i Drenicës, Flamurtarit dhe Prishtinës, ka firmosur kontratë njëvjeçare me skuadrën e Llapit. "Skuadra e Llapit është përforcuar me një emër të njohur të futbollit të Kosovës. Është sulmuesi Alban Shillova i cili ka zgjedhur ngjyrat bardh e kaltër të KF Llapit për garat evropiane dhe edicionin e ri 2021/2022. Shillova së fundmi ishte pjesë e kampionit, FC Prishtinës, ndërsa sot ka firmosur kontratë njëvjeçare me Llapin. Pas disa viteve përpjekje bashkëpunimi, sulmuesi shtatlartë Shillova i bashkohet Llapit dhe trajnerit Batatina, i cili me vite ka kërkuar ta ketë Shillovën në Llap, sepse filozofia dhe karakteri i trajnerit për t'u mos u dorëzuar asnjëherë do t'i përshtatet me karakterin të cilin e ka vetë Shillova", ka njoftuar skuadra e Llapit. Shillova ka luajtur edhe për Bylisin,



Trepçën, Lirinë, Dritën, Flamurtarin, Drenicën dhe Prishtinën. Klubi i Llapit, po ashtu, ka njoftuar se mbrojtësi Liridon Leci është larguar, pasi i ka përfunduar kontrata. "Kemi mbyllur bashkëpunimin me mbrojtësin e krahut të majtë, Liridon Leci. Ndarja me Lecin ka ardhur në mënyrë shumë profesionale dhe me marrëveshje kemi vendosur ta mbyllim bashkëpunimin. Skuadra

nuk e pati ndihmën e tij gjatë edicionit paraprak shkaku i një lëndimi të pësuar (rupturë e ligamentit) në ndeshjen kontrolluese ndaj Skënderbeut dhe, si rrjedhojë e kësaj, ai humbi pjesën më të madhe të ndeshjeve. Lecin e falënderojmë për kontributin e dhënë dhe i dëshirojmë shumë suksese në vazhdim!", thuhet në njoftimin e Llapit.

## Milwaukee barazon serinë e fitoreve ndaj Brooklynit

**MILWAUKEE, 18 QERSHOR** - Khris Middleton dhe Giannis Antetokounmpo marrin për dore Milwaukee Bucks dhe e udhëheqin drejt një fitoreje të madhe në sfidën e gjashtë përballë Brooklyn Netsit duke barazuar në 3-3 serinë gjysmëfinale të Lindjes mes tyre, me skuadrën që do të kualifikohet në finale që do të përcaktohet vetëm në duelin e 7. Në "Fiserv Forum" në Wisconsin përballë 16 310 spektatorëve Bucks kishte një marsh më shumë duke dominuar sfidën nga fillimi deri në fund. Sfidë mori drejtim që në dy periodat e para me Bucksin që shkoi në pushim në avantazhin e 10 pikëve. Në fraksionin e dytë skuadra e Mike Budenholzerit e menaxhoi shumë mirë avantazhin duke e thelluar edhe më tepër atë për fitoren finale 104-89. 38 pikë, 10 rebounde dhe 5 asistime koleksionoi në total Middletonin në këtë duel, ndërkohë



që greku Antetokounmpo spikati me 30 pikë, 17 rikuperime poshtë tabelës dhe 3 asistime. Te Brooklyn shkëlqeu i përhershmi Kevin Durant, autor i një paraqitjeje fantastike, pasi koleksionoi në total

32 pikë, 11 rebounde dhe 3 asistime. Ndeshja e 7-të dhe ajo që përcaktoi skuadrën që do të kualifikohet në finalen e Konferencës së Lindjes do të zhvillohet në "Barclays Center" në Brooklyn.

### SHKURT

#### Operohet Erikseni

Christian Eriksen ka vendosur një defibrilator zemre, por karriera e tij në Serinë A do të marrë fund nëse ICD është e përhershme. Sipas "La Gazzetta dello Sport", mesfushori i Danimarkës dhe Interit iu nënshtrua një operacioni të enjten për të implantuar një defibrilator të zemrës. "La Gazzetta dello Sport" shpjegon se në Itali është e ndaluar të luash me një defibrilator të zemrës të implantuar, sipas protokollit të Komitetit Kardiologjik Organizativ, i cili u azhurnua më 2017. Çdo sport kontakti është i ndaluar në Itali me një pajisje të tillë në zemër, ndërsa është e mundur që të luhet në liga të tjera, të tilla si Eredivisie ose Premierë Ligë. Ende nuk flitet për një diagnozë të saktë, se cila ishte arsyeja e arrestit kardiak edhe pse lihet të kuptohet se bëhet fjalë për një miokardit. Pas 3-4 javësh, Erikseni do t'u nënshtrohet sërish testeve për të kuptuar nëse defibrilatori do të jetë i përkohshëm apo i përhershëm. E ardhmja e tij në futboll mbetet enigmë. Kujtojmë se Erikseni pësoi atak kardiak në ndeshjen Danimarkë-Finlandë.

#### Rossi: Nuk tërhiqem në mes të sezonit

Valentino Rossi ka hedhur poshtë zërat që kanë ardhur ditët e fundit nga Spanja, të cilat konfirmonin tërheqjen e pilotit italian në mes të sezonit. "Sinqerisht nuk e kam idenë se nga kanë dalë këto thashetheme. Janë thjesht fantazi. Nuk largohem në mes të sezonit, këtë vit do ta përfundoj", ka thënë Rossi, që piloton Yamaha Petronas. Këtë fundjavë do të garohet në pistën gjermane të Sachsenring, ku Rossi synon të bëjë një paraqitje të mirë. "Kemi bërë disa teste në Barcelonë këtë javë dhe rezultatet ishin të mira. Shpresoj që motori në këtë pistë të jetë i shpejtë në garë, për të mos humbur terren me rivalët", ka shtuar Rossi, i cili është ikonë e MotoGP.

#### Young rikthehet tek Aston Villa

Futbollisti anglez Ashley Young është larguar edhe zyrtarisht nga Interi. 35-vjeçari është rikthyer në Premierligë, përkatësisht në skuadrën e Aston Villës. Në skuadrën e Aston Villës, Young ka luajtur nga viti 2006 deri më 2011. Young largohet nga Interi me kokën lart, pasi arriti të shpallet kampion i Italisë për sezonin 2020/21 dhe bëri 59 paraqitje në dy sezona, shënoi 5 gola. "Kur dëgjova për interesimin e Aston Villës e telefonova agjentin dhe i thashë bëj çfarë të mundesh dhe përfundoje punën", ka thënë Young.

## Atletico në garë për Dybalan

Pas pushtimit të kampionatit spanjoll, Atletico Madrid është i gatshëm të bëjë hapa përpara edhe në Evropë. Dëshira e Diego Simeones për të synuar gjithnjë e

më lart konfirmohet nga kontaktet me Juventusin për të arritur te Paulo Dybala. Për ta ulur koston e kartës, "Los Colchoneros" po mendon t'ua ofrojë

italianëve Saul Niguez. Sipas raportimeve nga "Mundo Deportivo", kjo do të ishte strategjia për të arritur te "Joya". Numri 10 bardhezi është ndër të

preferuarit edhe të Allegrit që pas rikthimit në Torino kërkon një skuadër ambicioze e nuk mund t'i lejojë vetes të humbasë dikë me cilësitë e 27-vjeçarit.



### D P A

Departamenti për punë administrative

Kryeshefi Ekzekutiv i Kompanisë Rajonale Ujësjellësi "Mitrovica" Sh.A. në Mitrovicë, vendosi të publikoi:

#### KONKURS

(për plotësimin e vendeve të lira të punës në kohe zgjatje prej 6 muajsh më mundësi vazhdimi)

#### 1. Emërtimi i Vendit të punës:- **Shëf i seksionit të aseteve**

**Përgatitja Profesionale: Përgatitja të jetë superior (Fakulteti Ekonomik)**

**Përvoja e Punës: Së Paku 3 vjet në menaxhim.**

**Numri i kryeseve: 1**

**Kushtet të Veçanta:**

- Të ketë aftësi të mira kompjuterike,
- Aftësi të mira komunikimi dhe bashkëpunimi me të gjitha Departamentet e Kompanisë

#### **Përshkrimi i detyrave dhe përgjegjësi të punës:**

- Menaxhon dhe mbikqyrë asetet e Kompanisë për tri njesitë( përfshirë edhe tri fabrikat),
- Menaxhon dhe mbikqyrë depot në tri Njësitë,
- Kryen rrethimin e të gjitha faturave hyrse dhe dalëse dhe i rrethimin në sistem,
- Kryen punët e detyrat e punës nga lëmia e pranimit, deponimit, ruajtjes dhe dhënies së mjeteve themelore, materialit dhe pjesëve rezervë , inventarit të imtë , auto-gomave dhe ambalazhit,
- Kryen pranimin kualitativ dhe kuantitativ të materialit në bazë të dukumentacionit përkatës,
- Kujdeset që mjetet themelore , materiali , pjesët rezervë dhe veglat të jenë të radhitura e stektikisht dhe në rregull,
- Në bazë të numrit kuantitativ i vërteton ndryshimet në mes të gjendjes reale dhe sipas dukumentacionit për të cilin e njofton Udhëheqësin e departamentit,
- Pas pranimit të materialit përpilon fletëpranimin dhe ia përcjellë departamentit komercial dhe personave përgjegjës ,
- Kujdeset për ruajtjen kualitative dhe kuantitative të materialit,
- Përpilon deponim-listën në fund të çdo jave dhe ia dërgon departamentit përkatës,
- Jep materialë në bazë të dukumentacionit përkatës,
- Mbanë regjistrin kontabël të depoz sipas dispozitave për kontabilitetin e depoz,
- Kryen edhe punë të tjera nga kjo lëmi me urdhrin e udhëheqësit të departamentit,
- Si dhe detyrat tjera të cilat (mëtuje) mund të jenë të përkshkruara në përshkrimin e bashkangjitur të punës ose të caktuara nga punëdhënësi
- Për punën e tij /saj i jep përgjegjësi Menaxherit të Kontabilitetit si dhe Zyrarit Lart Financiar dhe KE-se

**Dokumentacioni i nevojshëm për aplikim:** Diploma e përgatitjes shkollë; certifikata e lindjes, certifikata që të mos jetë nën hetime dhe i dënuar; certifikata e gjendjes shëndetësore; kopja e letërnjoftimit; dhe dukumentacioni tjetër i nevojshëm.

**Aplikacioni** për konkurrim merret në Kompani, të njëjtit i bashkëngjiten fotokopjet e dukumentave personale të kompletuara dhe dorëzohen në zyrë të KRUM-së, rruga "Liqenit" pn. Suhodoll – Mitrovicë. Afati për aplikim do të jetë 15 ditë nga dita e publikimit.

Për intervistim thirren vetëm aplikantët e rrethit të ngushtë të cilët selektohen sipas procedurës së përzgjedhjes – rekrutimit.

Dokumentacioni dorëzohet i fotokopjuar dhe te vërtetuara nga gjykata (Noterizuar) i njëjti nuk u kthehet aplikantëve.



Duke u bazuar në Ligjin Nr. 03/L-214 për Vlerësimin e Ndikimit në Mjedis, Neni 20, pika 2 dhe 4, Kompania " EV WIND PARK" Sh.p.k , Rahovec, në bashkëpunim me Ministrinë e Mjedisit, Planifikimit Hapsinor dhe Infrastrukturës, organizojnë:

#### DEBAT PUBLIK

Për Raportin e Vlerësimit të Ndikimit në Mjedis për Parkun e energjisë me erë (70 MW) në Zatriq dhe Kaznik, Komuna e Rahovecit.

Njoftohet publiku i interesuar se më datën 08.07.2021 në ora 10:00 ne Restorant Bjeshka në rrugën: UCK, pn, Magjistratja Rahovec, Malisheve do të organizohet debat publik nga Kompania " EV WIND PARK" Sh.p.k, Rahovec, në bashkëpunim me Ministrinë e Mjedisit, Planifikimit Hapsinor dhe Infrastrukturës.

Debati publik do të organizohet për Raportin e Vlerësimit të Ndikimit në Mjedis për Parkun e energjisë me erë (70 MW) në Zatriq dhe Kaznik, Komuna e Rahovecit.

Debati Publik do të organizohet edhe në mënyrë virtuale në platformën ZOOM

Join Zoom Meeting

<https://us05web.zoom.us/j/5413886674?pwd=OWI0cVZ4d2xKTW1zRE1PNnJsZHZaQT09>

Meeting ID: 541 388 6674

Passcode: 333f9d

Në linkun e mëposhtëm mund të gjeni raportin e VNM-së për kompaninë "EV WIND PARK" Sh.p.k, Rahovec për Parkun e energjisë me erë (70 MW) në Zatriq dhe Kaznik, Komuna e Rahovecit.

[https://mmphi.rks-gov.net/dokumentet\\_dhe\\_publicimet/279/publicimet](https://mmphi.rks-gov.net/dokumentet_dhe_publicimet/279/publicimet)

Pjesëmarrja e juaj na ndihmon në implementimin e projektit.

## >> SHPALLJE TË VOGLA <<

► Vlera Gashi shpall të pavlefshme, dëftesën e klasës së dhjetë të shkollës së mesme "Sami Frashëri" Prishtinë.

► Lija Dilji shpall te pavlefshme diplomën shmlt "11 Marsi " Prizren.

► Nehat Hoxhaj shpall te pavlefshme 3 dëftesat shmlt " Ymer Prizreni " Prizren.

► Blinera Kryeziu shpall te pavlefshme dëftesat e kl VI - IX shfmu " Leke Dukagjini" Prizren .

► Ardita Gashi shpall te pavlefshme dëftesat e kl VI - IX shfmu " Lidhja e Prizrenit " Prizren .

► Andi Elez Kurtaj shpall te pavlefshme dëftesat e kl VI - IX shfmu " Avdyl Frasheri " Prizren.

► Nderim Elez Kurtaj shpall te pavlefshme dëftesat e kl VI - IX shfmu " Abdyl Frasheri " Prizren.

► Jap banesë me qira afër 60 m2, kati III-Lagja Mati 1 Rr.Z3-Si Theodor Muzaka nr.14. në Prishtinë. Banesa posedon dhoma gjumi dhe sallon, kuzhinë, korridor banjo ballkon . Banesa është e mobiluar komplet, preferoj ta jap banesën me qira për afat të gjatë. Tel: +38344185233.

► Lëshoj banesë me qira në lagjen "Dardania" në Prishtinë. Banesa ka 50 m2, me inventar të kompletuar, banesa ka kuzhinë me sallon, teras, banjo një dhomë gjumi, shpajz dhe korridor, banesa lëshohet për një qift ose për dy vajza. Tel: 044171328.

► Lëshoj shtëpinë me qira në lagjen Velania, pa pagesë sepse shtëpia ka nevojë për përkujdesje ndërsa shpenzimet mujore ti bëjë vetë banuesi si: ujë rrym bërllok, Tel: 044-608-626.

► Lëshoj banesë me qira për student apo familjar në lagjen "Mati 1" Rr. "Muharrem Fejza", banesa është 70 m2 dhe i plotëson të gjitha kushtet, kati dytë ndërtim i ri tel: 044-686-900.

► Lëshoj banesë me qira, banesa është ndërtim i ri dhe gjendet në lagjen "Mati 1" rruga "Muharrem Fejza" Prishtinë. Tel: 044-686-900.

► Lëshoj banesë me qira në lagjen "Mati 1" përball "Super Vivës", me sipërfaqe mbi 50 m2, kati dytë me ngrohje, klimë, ashensorë etj, çmimi 200 Euro. Tel: 044-185-233.

► Lëshoj banesë me qira garsoniere në Ulpian kati i parë, posedon tre shtretër dhe e mobiluar. Preferohet për studenta ose studente, një qift apo të tjerë. Çmimi është 185 euro. Tel: 044-812-875.

► Lëshoj garsonjer me qira në lagjen Ulpiana kati i parë. Banesa është e mobiluar dhe i plotëson të gjitha kushtet për banim, preferohet për një qift apo tre studentë, mund të merret për kohë të shkurt apo të gjatë. Çmimi është 180 Euro. Tel: 044-812-875.

► Urgjentisht kërkoj një banesë me qira në Prishtinë. Banesa duhet të ketë 1 ose 2 dhoma gjumi e mobiluar ose bënë edhe e pa mobiluar. Çmimi prej: 200-250 €. Tel: 045-660-188

► Lëshoj lokal në qira. Lokali është i pasitur më të gjitha kushtet përcjellëse. Lokali gjendet në lagjen e Boshnjakëve në Mitrovicë. Për informata më të hollësishme mund të na kontaktoni në këtë numër të telefonit: 049-392-275

► Lëshoj banesë me qira në lagjen Dardania afër "Bill Clintonit", kati tretë, banesa posedon të gjitha kushtet elementare, dy dhoma, kuzhinë e veçanët me pamje nga parku me çmim sipas marrëveshjes tel: 045-891-338 ose 049-616-139

► Lëshoj banesën me qira në lagjen Bregu i Diellit te Furra "Qerimi2", i ka dy dhoma të fjetjes, sallon me kuzhinë, shpajz dhe dy ballkone. Për info 044/332-640.

► Lëshoj banesën me qira në lagjen Bregu i Diellit te Furra Qerimi2, i ka dy dhoma të fjetjes , sallon me kuzhinë, shpajz dhe dy ballkone. Për info 044/332-640.

► Lëshoj banesën me qira e cila gjendet prapa AAK-së me kushte të volitshme dhe po ashtu me çmim të volitshëm. Për informata më të hollësishme na kontaktoni në numrin e tel: viber +37744162783 dhe 049/900-994.

► Lëshoj banesën me qira në lagjen Bregu i Diellit 2 te banesat e bardha, afër Shkollës Iliria banesa është dy dhomshe e mobiluar komplet, për info lajmërohuni në tel: 044/262-940 dhe 049/ 737-867.

► Lëshoj banesën me qira, e cila gjendet prapa AAK-së, me kushte të volitshme dhe po ashtu me çmim të volitshëm. Për informata më të hollësishme na kontaktoni në numrin e telefonit: 044-162-783.

► Lëshohet banesa me qira në qendër të Prishtinës afër Sheshit Zahir Pajaziti, banesa është dy dhomshe e mobiluar, lëshohet me qira prej 1 qershori deri me 1 gusht (dy muaj), çmimi sipas marrëveshjes. Për informata në tel. 044/171-328.

► Lëshoj banesën e re me qira në qendër prapa teatrit Kombëtar, me sipërfaqe prej: 60 m2. Banesa ka një dhomë gjumi, sallon dhe kuzhinë. Ka të gjitha pajisjet. Çmimi: 300 Euro. Banesa lëshohet për afate të gjata dhe të shkurtra. Informata në tel: 049\44-888-801 (viber)

► Lëshoj banesë me qira, penthouse. Banesa gjendet te Rrethi i Veternikut në Prishtinë. Banesa ka 150 m2, dhe ka 3 dhoma, dy banjo, 2 garazha si dhe shpajz. Për info mund të na kontaktoni në këtë numër të tel: 049-440-466.

► Lëshoj banesën një dhomshe me qira , në lagjen Dardania afër Postës Kryesore (posta e Madhe) Kroi i Bardhe, banesa është e mobiluar tërësisht. Për informata lajmërohuni në tel: 044/558-894 Prishtinë.

► Lëshoj me qira banesën e mobiluar te salloni i mobileve "ALBED" në Fushë Kosovë. Banesa i ka 65 metra katrorë dhe është e gatshme për banim. Më shumë informata në: 044/706-079.



ROYAL CROWN



## ANNOUNCING THE 2017 QUALITY & SALES AWARDS

**Quality & Sales Award Recipients**  
[Listed in alphabetical order]

- ★ ARC Refreshments Corporation- Antipolo **Philippines**, Quality
- ★ Embotelladora Central S.A **Paraguay**, Quality
- ★ Fabrica de Bebidas Caseosas Salvavidas S.A. **Guatemala**, Quality
- ★ Fluidi Sh.p.k. **Kosovo**, Quality
- ★ Indústria e Comércio de Bebidas Funada Ltda **Brazil**, Quality
- ★ Interbrand S.A.L. **Lebanon**, Sales
- ★ Kofola ČeskoSlovensko a.s. **Czech Republic**, Quality
- ★ Obi Zulol CJSC **Tajikistan**, Quality
- ★ Partex Sales sales Beverages Ltd. **Bangladesh**, Quality
- ★ Soft Drinks Georgia **Georgia**, Sales

